



KOMUNA E VUSHTRRIË



SHOQATA E TË DREJTAVE TË PACIENTËVE
NË KOSOVË- PRAK

REPublika e Kosovës - Republika Kosovo
KOMUNA E VUSHTRRIË-OPËSTINA VUÇITRN

02 Nr. / Br 339 / 26

Nr. i fq. / Br. st _____

Data: / Datum 08.04.2026

VUSHTRRI - VUÇITRN

MEMORANDUM BASHKËPUNIMI

KOMUNA E VUSHTRRIË

DHE

SHOQATA E TË DREJTAVE TË PACIENTËVE NË KOSOVË

Palët në këtë memorandum:

KOMUNA E VUSHTRRIË përfaqësuar nga Kryetari i Komunës z. **Ferit Idrizi**

dhe

SHOQATA E TË DREJTAVE TË PACIENTËVE NË KOSOVË PRAK me seli në adresë: Rr. Ukë Bytyqi pn, ITP 20000 Prizren , përfaqësuar nga Drejtori Ekzekutiv z. **Agron Bytyqi**.

Palët në këtë memorandum dakordohen si në vijim:

Neni 1 Qëllimi

- 1.1. Ky Memorandum ka për qëllim bashkëpunimin e Drejtorisë për Shëndetësi dhe Përkujdesje Sociale (në vazhdim nën akronimin DSHPS) dhe Shoqatës së të Drejtave të Pacientëve në Kosovë (në vazhdim nën akronimin PRAK) në themelimin mentorimin e Këshillit të Pacientëve në Komunën e Vushtrrisë.

Neni 2 Fusha e bashkëpunimit

1. Palët dakordohen që të angazhohen për nevojat e veprimtarisë së tyre në këto çështje:
 - 1.1 PRAK do të përgatis dokumentacionin për themelimin dhe funksionalizimin e Këshillit të Pacientëve;
 - 1.2 PRAK do të ndihmoj në përzgjedhjen e anëtarëve të Këshillit të Pacientëve;
 - 1.3 PRAK do të organizoj trajnime për anëtarët e zgjedhur në Këshillin e Pacientëve;
 - 1.4 PRAK do të mentoroj punën e këshillit për një periudhë 5 vjeqare;
 - 1.5 DKSHMS do të miratoj dokumentacionin për themelimin dhe funksionalizimin e Këshillit të Pacientëve;
 - 1.6 DKSHMS do të themeloj një komision të përbërë nga një përfaqësues i tyre, një nga QKMF dhe një nga shoqëria civile për përzgjedhjen e anëtarëve të këshillit të Pacientëve.
 - 1.7 DKSHMS do të shpallë thirrjen për anëtar të Këshillit të Pacientëve;
 - 1.8 DKSHMS do të bëjë njohjen (përmes një vendimi) për Këshillin e Pacientëve;
 - 1.9 DKSHMS, së bashku me QKMF sigurojnë një hapsirë pune për punën e Këshillit të Pacientëve;
 - 1.10 DKSHMS, angazhohet për sigurimin e subvencioneve të Këshillit të Pacientëve për të ushtruar veprimtarinë e vet, sipas hapsirave ligjore dhe mundësive buxhetore;
 - 1.11 DKSHMS angazhohet për të punuar së bashku me këshillin e pacientëve për të identifikuar dhe eliminuar problemet që kanë pacientët për të marrë shërbime shëndetësore;

Neni 3 Metodologjia e bashkëpunimit

1. Me qëllim të realizimit të bashkëpunimit të ndërsjellët, palët dakordohen që bashkëpunimin e përcaktuar në nenin 2 të këtij memorandumi ta realizojnë përmes:
 - 1.1 Takimeve të thirrura nga cilado palë në bazë të nevojës në mes të përfaqësuesve të DSHPS -së dhe përfaqësuesve të PRAK-ut;
 - 1.2 Punës së përbashkët në hartimin dhe miratimin e dokumentacionit për Këshillin e Pacientëve;
 - 1.3 Puna e përbashkët në përzgjedhjen e anëtarëve të Këshillit të Pacientëve;
 - 1.4 Puna e përbashkët në mentorimit të punës së Këshillit të Pacientëve;
 - 1.5 Puna e përbashkët në sigurimin e funksionalitetit të Këshillit të Pacientëve;
 - 1.6 Bashkëpunimi për nismat e përbashkëta për realizimin e aktiviteteve specifike në fushë veprimtarinë e palëve.
2. Për çfarëdo nevoje lidhur me praktikat e bashkëpunimit, palët në këtë memorandum do të bashkërendojnë veprimet e tyre me qëllim të arritjes së objektivave të shprehura në këtë memorandum.

Neni 4 Mënyra e komunikimit

1. Palët dakordohen që për çdo çështje të kontaktojnë përmes zyrtarëve të autorizuar në mënyrë të drejtpërdrejtë. Palët do t'ia komunikojnë zyrtarët e tyre për komunikim përmes shkresës zyrtare të autorizuar nga organi kompetent i palës.
2. Komunikimi në mes të zyrtarëve të autorizuar do të realizohet, por nuk do të kufizohet, përmes takimeve të drejtpërdrejta si dhe përmes komunikimit formal përmes postës dhe komunikimit elektronik.
3. Adresat zyrtare të komunikimit janë:
 - 3.1 Drejtoria për Shëndetësi dhe Përkujdesje Sociale
 - 3.2 Shoqata e të drejtave të pacientëve në Kosovë – E-mail info@prak-kosova.org ,
nr. tel + 383 49 946 201.

Neni 5
Kohëzgjatja e memorandumit

1. Ky memorandum lidhet për një periudhë 5 vjeqare me mundësi vazhdimi.

Neni 6

Çdo mosmarrëveshje lidhur me interpretimin ose zbatimin e këtij memorandumit zgjidhet me mirëkuptim mes *Palëve*.

Neni 7
Hyrja në fuqi

1. Ky Memorandum i Bashkëpunimit hyn në fuqi ditën e nënshkrimit të tij.
2. Ky memorandum është lidhur në gjuhën shqipe dhe atë në 2 (dy) ekzemplar identik, nga 1 (një) për secilën palë.

Komuna e Vushtrrisë - Mars 2026

Për Komunën e Vushtrrisë

z.Ferit Idrizi



Për PRAK

Z. Agron Bytyqi

